
“Солиқчи – кўмакчи” тамойили асосида амалга оширилаётган ишлар юзасидан Бағдод тумани Давлат солиқ инспекцияси бошлиғи

А.Абдурахмоновнинг ҳисоботи

Хабарингиз бор, жорий йил 16 март куни Президентимиз Давлат солиқ қўмитасига ташриф буюриб, солиқ соҳасини такомиллаштириш бўйича амалга оширилаётган ишлар билан танишди.

Давлатимиз раҳбари ташриф давомида солиқ органлари тадбиркорлар билан учрашиб, уларнинг муоммоларини тинглаши, солиқ қонунчилигидаги ўзгаришларни тушунтириши, уларга кўмакчи бўлишлари кераклиги юзасидан қатор топшириқлар берган эди. Мазкур топшириқлар ижроси, шунингдек, “Солиқчи – кўмакчи” тамойили асосида солиқ тўловчиларга янада сифатли хизмат кўрсатишни таъминлаш мақсадида Бағдод тумани ДСИ раҳбари томонидан тадбиркорлар иштирокида турли очиқ мулоқот ва учрашувлар ташкил этилмоқда, муоммолар ўрганилиб, ижобий ҳал этиш чоралари кўрилмоқда. Шунингдек, тадбиркорлик фаолиятини амалга ошириш учун муҳим бўлган қатор йўналишларни белгилаб олган ҳолда амалий ёрдамлар кўрсатилмоқда.

Хусусан, 2022 йилнинг май ойи давомида Бағдод тумани ДСИ ходимлари томонидан 295 та тадбиркорлик субъектларини қийнаётган муаммолар ўрганилди. Мазкур жараёнда 270 та тадбиркорлик субъектлардан 23 тасининг дастлабки бухгалтериясини юритишда ёрдам кўрсатилган бўлса, 49 тасига “E-aktiv” бўйича тушунча берилди ва ундан фойдаланишда кўмаклашилди. Шунингдек, 6 та субъектга “E-ijara”, 13 тасига “E-imtiyoz” электрон платформалари бўйича тушунчалар берилиб, 5 та субъектнинг солиқ қарзини узайтиришга, 60 та субъектга эса шахсий ҳисобварақасидан нусха олишда кўмаклашилди ҳамда солиқ органига алоқадор бўлган 114 та муаммо ижобий ҳал этилди.

Биз – солиқ идоралари ходимлари бундан кейин ҳам, албатта, Президентимиз белгилаб берганларидек, тадбиркорга маслаҳатчи, кўмакчи ва яқин ҳамкор сифатида ўз фаолиятимизни давом эттирамиз.

2022-06-10 20:39:08